

# مکتب

۱۳۰۷

هر پنجشنبه کوفی نشر اولنور ادبی و حکمی رساله در

دردنچی سنه

نسخه سی ۲۰ پاره یه در نومرو ۲۵

﴿ مندرجات ﴾

|                 |                         |
|-----------------|-------------------------|
| جناب شهاب الدین | تمنیات خیالیه           |
| ۱. عبدالمجد     | کونلر                   |
| خلیل ادیب       | پر قطعه                 |
| طالب فائق       | مبانی ادب (مابعد)       |
| نامی            | غزته و منشأ لری (مابعد) |
| ح. عینی         | حظوظات ردیته            |
| علی رشاد        | حسن خط                  |
| منمنلی طاهر     | حکایه : انطای ذکا (ختم) |

اعتذار — عید شریفک موجب اولدینی کثرت اشتغالدن ناشی و بو هفته علاوه ویریه ممشدر.

معارف نظارت جلیله سنک رخصتی حائزدر

## نشریه

قره بت مطبعه سی

۱۳۱۳



### صدقه فطر کاغدیدر

| پاره           | پاره | پاره            |
|----------------|------|-----------------|
| اعلا رزاقی     | ۵۴۰  | دقیق ۸۶         |
| اوسط رزاقی     | ۴۲۸  | اوسط دقیق ۶۶    |
| پیاغی رزاقی    | ۳۲۰  | پیاغی دقیق ۵۵   |
| اعلا چکر دکسز  | ۷۴۰  | اعلا خرما ۶۸۰   |
| بککرتنه        | ۴۳۰  | اوسط خرما ۳۴۰   |
| پیاغی چکر دکسز | ۳۲۵  | پیاغی خرما ۲۸۵  |
| دوکلن آرپه     | ۱۶۵  | دوکلش بغدادی ۸۵ |

۲۱۵ از میر سیاهی

### وقت صلوة عید

|       |      |
|-------|------|
| دقیقه | ساعت |
| ۴۰    | ۱۲   |



## محل مراجعت

مکتبه عائد کافہ خصوصیات  
ایچون قرہ بت مطبعہ سندہ  
مکتب ادارہ خانہ سنہ مراجعت  
ابدلیدر .

در سعادت ایچون سنہ لکی  
یکرمی طشرہ ایچون پوستہ  
اجرتی داخل اولہرق اوتوز  
غروشدر .

# مکتبہ

۱۳۰۷

هر پنجشنبه کونی نشر اولنور

## محل توزیعی

باب عالی جادہ سندہ قرہ بت  
کتبخانہ سیدر .

مسلکمزہ موافق کوندربلهجک  
اثر مع الممنونیه درج اولنور .  
درج اولتیمان اوراق اعادہ  
ابدلز .

دردنجی سنہ

نومرو ۲۵

نسخہ سی ۲۰ پارہ یہ در

دردنجی جلد

نسخہ سی ۲۰ پارہ یہ در

- ۲ -

وقتا کہ طوغار فجر پر الہام ،  
وقتا کہ اولور نشوۂ آرام  
ارواح ایله لب برب وصلت ،  
بر صبح مصفی کبی ای یار ،  
قیل قلب هوا خواہمی تسکیر !  
کوکلمده اسن باد کدورت  
فکرمدن آقان کریۂ اشعار  
ایتسون سنک اوصافکی تشہیر !  
منظومہ لر انشاد ایدہیم بن ؛  
سن آنلری تقید ایله اکلن !

- ۳ -

وقتا کہ اولور فصل خزانک  
احزانی بتون روی جهانک  
بر پوشش بتنی ملالی ،  
آتون صاچگی ای کل زیبا ،

## ادبیاتی

تمنیات خیالیہ

- ۱ -

وقتا کہ ایدر ماہ شب آرا  
دریابہ مز یاتی اسرا ،  
شبخیز پر یلر کبی جانا  
کل ساحل دریای وسیعہ ؛  
مہپارۂ رخسارہ کئی کویستر !  
اول دم اولور البتہ دو بالا  
حسننگدہ کی اسرار بدیعہ ،  
قلبدہ کی سر بسته امللر !  
آملی تعداد ایدہیم بن ؛  
سن بندہ کی امید ایله اکلن !



دوك سينه هردمترك اوزره ؛

كوكلده كي پزمرده خيالى

قيل سايه زلفك ايله احيا !

زانوى صفا پرورك اوزره

بز دستى اسناد ايدهيم بن ؛

سن دستى تبديد ايله اكلن !

— ۴ —

وقتاكه اولور آن ماتم

پايانكش ايام حياتم ،

اي روحك آسوده رقيقى ،

بر لحظه سر قبرمه كلده

قربانك اولان كوكلى شاد ايت !

بيلسون نه ايش ذوق حقيقى

شاد اولسون او محروم املده !

ياد ايت دل ناشادى ياد ايت !

دردك ايله فرياد ايدهيم بن ؛

سن دردى تشديد ايله اكلن !

جناب شهاب الدين

### كونلر

كلورمى يادكه هجركله كريان اولديغم كونلر

سماوى چهره كه دلبيسته، حيران اولديغم كونلر

كوزلدك سوديكم صبح وصالك نور فخرندن

كوروبده حسن رنگينك پريشان اولديغم كونلر

كولردك سن بن اغلردم ترحم ايلزدك آه

نه مشكلدى ظلام آلود هجران اولديغم كونلر

مكر اك بختيارانه چكن دور حياتمشم

اوكلده ديز چوكوب عشقكله نالان اولديغم كونلر

بنم يادمدهدر حالا مصفا بر محبتله

بنى سومهنگ كجى بر لطف شايان اولديغم كونلر

امان يارب نه يازلاق بر حيات پر سعادتى

كلوب عصمتسراى عشقه مهمان اولديغم كونلر

مدكگر غبطه ايلردى بكاى ورد سوداوى

سنكله حجهكاه شوقه پوين اولديغم كونلر

خيال اولدى اوماضى سعادت، عودت ايلرمى

عجب كوكلم كجى عشقكله خندان اولديغم كونلر

۱. عبدالماجد

جنتمكان ياوز سلطان سليم خان حضرتلرينك

رسمى آلتنه يازلمق اوزره سويلتمش برقطعه :

حضرت سلطان سليمك مطوت شيرانه سن

ياد ايله حرمت ايندك هرزم اوقديسى طينته

صورتندن رونادر سيرن شاهانهسى

ذاتى هر يوزدن ويرر رائق كمال فطرته

خليل اديب

### چشم بود

نه دن تفاقلى ييلم ، كه ، آه اوچشم كبود

غضبله اتمده كاهى نكاه اوچشم كبود

آنور دیده روامى بتون كون ايلده

بو آب وتاب ايله حالم تبا ، اوچشم كبود .

باقچه روبه بر لحظه لال ولور قاليرم

مكر بوبوزدن ايدر اشتباه اوچشم كبود .

بيان وشرح دل زاره واميدر حاجت

دكلى حالمه عادل كواه اوچشم كبود

تجاهلك يتر اى قررة العيون يتر

بر آزده شفقته اولسون پناه اوچشم كبود

ابواللبيب

### مباني ادب

[ مابعد؛ عدد : ۲۴ ]

مثلا: فلان يازدى، يازمدى، فلان يازار، يازماز؛

فلان يازنيور، يازميور كجى، فعل واسمدن تشكىل

ايدن جمله لرك مفيد اولدينى نسبت ثبوتيه ويا سلبيه.

نك اولكندنه واوچخييسنده يعنى فعل ماضى وفعل

حال اولان جمله لرده سابقاً ويا لاحقاً وحالاً

تجددینه دخی دلالت ایلر. ایکنجی مثالده یعنی حال

ومستقبله احتمال شمولى اولان فعلده (مضارع) اندن

بدل فعلك بولندينى جمله ده ا كثر يا استمرار تجددى

مقصود اولور فقط خطايبانده بوجهلندن تجدد

ملاحظه اولتیهرق استمرار مطلق اكلاشيلور. فلان

يازيجيدر، يازيجى دكلدر كجى جمله نك ايكنى جزوى

دخی اسم اولورسه مستمر الوقوع ويا دائم الجريان

اولسى كجى ايروجه برشيئه دلالتى مقصود دكلدر .

على الاطلاق مسندك مسنداليه ثبوتى اختيار ايلر .

بوفرقت نتايج ونمراتى منطق وفلسفيات ومعاملات

حقوقيه رونما اولور ( جمله نك تقسياتنده دها

بعض احوال وخصائى ذكر اولتجقدر . )

### اركان جمله

فاعل - مسنداليه

( جمله ) نك ايكنى كلبدن ( بونلرك متمماتى

موقع اعتبارده طوتماز ) تشكىل ايتديكى كورلدىكه

بونلره ( اركان ) ويا ( اجذار اصليه ) نامى ويريلور .

جمله ؛ جمله فعليه ايسه ركنك برى فاعل ،

ديكرى مسندكه فعلدر .

فاعل - بر فعل وايشك ويا حال وصفتك

وقوعاً ويا لاوقوعاً نسبت واسناد اولندينى شخص

ونسنيه - يعنى افعال واحوالدن برشى فلان شخص

ويا نسنيه ايله قائم ومتصفر ويا دكلدر دینلدهكه ،

اوشخص ويا نسنيه - اصطلاحاً فاعل اسمى ويريلور .

مثلا احمد افندى كيديور ، حسن افندى

اوپور . ما كينه ايشلر . ياخود احمد افندى كيتيور .

حسن افندى اوپوماز . ما كينه ايشلاز جمله فعليه .

لرنده كيتك ويا كيتماك فعلى احمد افندى به ؛ اوپومق

اوپوماق حالى حسن افندى به ايشلك وايشلامك

صنعتى ، ما كينه به نسبت واسناد اولنيور . ايشته بوفعل

و حال وصفتلرله كيم وهانكى نسنيه اتصاف ايليورسه

فاعل اودر كه بوجهلرده احمد افندى ، حسن افندى ،

ما كينه ، اولمق لازم كلديكندن بونلره فاعل دينور ،

جمله فعليه ده فاعلك موقى

هيچ بر ملاحظه زائده مقصود اوليهرق على-

الاطلاق بر فكرك ( نسبت ثبوتيه وسلبيه ) افادهسى

ايچون سويلنان جمله لرده ( فاعل ) دائماً مقدم كتوريلور .

مثلا بن احمد افندينك كيتديكنى ويا كيدييور

اولديغى ويا كيده جكنى خبر ويرمك ايلترم ، احمد

افندى كيتدى ، كيدييور ، كيده جك ديرم . يوقسه

اولا كيتك فعلنى صكره احمد افندى بي اتيان ايلرسه

وشويله : كيدييور احمد افندى . . . . . ديرسهم جمله

وتركيب شيوة لسانه توافق ايتماز .

مثال :



(بن) اطراف وجوانیدن غرائب امور (مشاهده ایدردم) وکاهی (سامه جان) بوزمزمه بی (استماع ایدردی) که خوشابخت و اقبال . . . . (سیرویسی)

دیگر :

(بز) فرقه ناجیه اسلامیه دن اولدیغز حاله حقیقت حالی اظهار ایچون بی طرف اوله رق (سویلز) ضیا پاشا

دیگر :

محکمه دولیه تک حاکی قبضه شمشیر اولدیغندن (اکا طیانان) بهر حال الحکم لمن غلب قاعده سنجه دعواسنی (قزانور) .

فاعل بعضاً موقی دکشدیرر یعنی فعلدن صکره کلیر . مثلاً کلپور احمد افندی اوپور حسن افندی کوپوریوردکتر ایشلر ماکنه کبی بعضاً دخی سوزدن خذف اولنور . کلپور ، اوپور ، کیدیور ، ایشلر وهکذا کبی دینور .

فاعلاک موقعی دکشدیرمی و ملفوظ اولمی -

طالب فائقی

[ مابعدی وار ]

### غزته و منشأری

[ مابعد : عدد ۲۴ ]

بوزماندن اعتباراً « قرون وسطی » دورینک تا نهایتلرینه قدر غزته دن اثر کوره میورز . اصل « غزته » اطلاقه سزاوار اولایله جک بر « اثر » تحریری ایله مکچون ۱۶ نجی عصرک ابتدالینه یعنی

اصول طبعک اختراعندن ۱۵۰ سنه صکره یه ارجاع نظر ایله ملی بز .

مع مافیسه بحث ایتدیگمز زماندن اولده همان عموم ممالکده « حوادث مکتوبلری » ، « حوادث - اوراق » کبی شیلر ترتیب ایدیلورودی . از جمله وندیکله فرافقورتی ذکر ایده بیلرکه شو ایکی مملکتده اصول و طرزای مختلف فقط درجه اهمیتلری مساوی بعض « نمونه » لر وجود بولشدی . وندیک حکومتک ابتدای تأسسندن بری سناتو مجلسی کرک پای تختیه و کرک داخل حکو - متده ظهور یافته اولان وقایع و معاملات حقننده اوافق اوافق خلاصه لر قله آلوب مصالح بین الدوله متعلق مباحثات و مکالماتده کندیلرینی تنویر ایلیک ایچون مالک اجنبیه ده بولنن مأمورین سیاسی سنه ارسال ایدردی . اشبو خلاصه لر « اوراق مختصره Foglietti » ویا اوراق مختصره « Fogli d'avvisi » تسمیه اولنوردی .

برمدت شو صورتده جریان ایله مشمشده مرور زمان ایله - یا لکری بعض اشخاصه مخصوص اوله رق - اوراق مذکوریه بی استنساخ ایده بیلک مساعده سی اعطا ایدلدی فقط هیچ بزمان بدل مقابلنده انظار عمومیه یه معروض قلمتدینی - هر نه قدر بونک عکسی ده ادعا اولنور سده - وندیک مورخلرینک تحت تصدیقنده در .

نهایت برمدت صکره اوراق مذکورنه تک تداولی مجاز قلمتشمشده طبعنه صلا مساعده اولنغامش و حکومت مذکورنه دوم ایتدیکی مدتیجه « ال یازیسيله » محرر اوله رق بقی قالمشدردر .

غوتنبرغ اصول طبیی ایجاد و طباعت ، مختلف زمانلرده ، اوروپا ممالکنک کافه سننده موقع تجربیه وضع اوله رق نتایج مفیده و حسنه حاصل ایدوبده نعم ایدنجیه وندیکده ده داخلی و خارجی وقایع فوق العاده یه مثلاً محارباته ، زلزله ، حریق و سائره کبی وقواته ، معاملات تجاریه و صناعیه یه دار اوراق نشر اولنغمه باشلادی که بولره Relazioni دینیلردی .

صیراسی کلشکن وندیکده اوزون مدت اصول طبعک دخولی ممنوع بولندیغنی ذکر ایده لم .

وندیکک Relazioni لر یله اوراق مختصره ویا مخطرله لرینی تفریق ایله مک اقتضا ایدر .

« اوراق مخطرله » بی اوروپاده انتشار ایدن ایلیک جراند سیاسییه مقامنده تلقی ایده بیلرزه . آلمانیا مطبوعاتی حقننده نشر آثار ایدن بر مورخله دیگر بمض مؤلفلر اوراق مذکورنه تک مطبوع اولاملری حسدیله بزم شو صورت تلقیزی نقض ایتمک ادعا سننده بولنیور لرسده آنلرک بودا عالی نه حقیقته مطابق ونده تاریخ نقطه نظرندن قابل التزام اولدیغندن بوس بوتون بحر و حدر .

زیرا غزته ده اساس اولان شی ، شکل خارجینی دکل ، بلکه محتویاتی و تقنین انتشار ایدر . اوراق مذکورنه رنگ بوکونکی جراندن اصل جهت اختلافلری ایسه اولا عمومیه مخصوص اولیسوب اشخاص محدودیه منحصر قیلنلری ثانیاده مقنن و معین مدتلرده نشر اولوناملر ایدر .

ینه عینی زمانده المانیاده غزته لر میانسه اذخال ایدلک استه نیلن ، فقط ایوجه تدقیق ایدیله جک

اولورسه غزته ایله بکده مشابهلری بولنمیان بعض اوراق وجود بولشدی . بو اوراق ده « بروقه اوسک Conversation Lexikon » نام کتابنده ویردیکی معلوماته نظرأ ۱۶ نجی عصرک ابتدالرنده نعم وانتشاره باشلایان « تجارت مکتوبلری » ایله « مناسبات تجاریه اوراقی » ندن عبارتدر .

اقتضای جهانک اولزمان معلوم اولان کافه جهاتیه معاملات تجاریه سی جریان ایتمکده بولنان Fugger تجار تخانه سی وقتدن وقته (بوتعبیر جالب نظر دقتدر) مناسبات مذکوریه بی اوغسبورغده نشر ایدردی .

سرور زمان ایله ومد کور تجار تخانه تک مساعی و فیره سی نمره سی اوله رق ۱۶ نجی عصرک نهایتلرنده اوراق مذکوریه اولیه بر شکل ووسعتی حائز بو - لندیلرکه بوجه تلرجه ایوم موجود اولان غزته لره تقرب ایتدیلر .

\*  
\*\*

ایلیک انتشار ایدن ال یازیسيله محرر غزته لرده نظره چاریان « ماده اصلیه » یا « ماده سیاسییه » ویا خود « ماده مذهبییه » اولوب شو منافع عظیمه دن برینی اساس اتخاذ ایلین غزته لر ایسه آنجق انظار عمومیه یه معروض اوله رق دفع مراق و تجسس ضمننده استعمال ایدلمش و سائطدن عبارت قالیردی . انسانلرده حوادث آلمق مراقی قدیم ، بک قدیمدر . حتی بو مراق بشیریتله توأمدر دیسه ک خط ایتمه مش اولورز . بو مراقک درجه سنی هرکس کندی نفسنده مشاهده ایتدیکی جهته بو یابده تطویل مقال بی لزومدر . ایشته هر زمان هر برده



انسانلرک بوارزولرینی کندیلرینه مدار معیشت  
 اتخاذ ایلش آدملر ظهور ایتمشدرکه بونلره  
 « حوادنجیلر » تعیری پک موافق دوشر .  
 حوادنجیلک اولاً ایشسز کوجسز تبللره  
 کوکل اکلجهسی اولمشده صکره دن بر صنعت  
 مقامنه کچمشدر . مثلاً فرانسه ده کبارک کافه سنک  
 کندیلرینه مخصوص « حوادنجیلری » واردیکه  
 بونلر داخل مملکتده ظهور یافته اولان وقایعدن  
 افندیلرینی خبردار ایلکله مکلف وموظف ایدیلر .  
 کبارخانه لرنده بر اوشاغه بر سایسه نه درجه احتیاج  
 وارسه بر حوادنجی بده اودرجه احتیاج واردی ،  
 عادتا بین الکبار مفقودتی عبث ، عیب عد اولنان  
 لوازم مرتبه سنه وارمشدی .

باقیکز ، فرانسه شعراسندن « لارویهر » حوا-  
 دنجیلر حقدنه نه کبی بر مطالعه بولتمشدر :  
 « حوادنجیلرک وظیفه سی . . . بر کتاب  
 نشر اولندی . . . کتابجی طبع ایتدی ، حروفاتی . . .  
 جلدی مکمل ، کاغدی ده اعلا . . . نسخه صاتیلیور  
 دیمکدن عبارتدر ، حتی کتابجی دکانک قپوسی  
 اوزرنده کی علامت مخصوصه بی بیله جکدر . »  
 دیور .

طبیعیدرکه بونوع حوادنجیلک غزته اوکنده  
 سرفرو ایتکه مجبور اوله رق آز صکره بوس  
 بوتون محو اولمشدر .  
 ابتدا حوادنجیلردن هربری ، عینله دلالر کبی ،  
 یا اوتهدن برودن ایشندکلی معلوماتی ویاخود  
 قوه مخیله لری محصولاتی سوقاقلرده باغیروب  
 چاغیررلر وهرکسک قولاغنه ایصال ایدرلردی .

لکن صکره لری بواجوال بر درجه یه قدر تبدیل  
 وتعدیل اوله رق ، از جمله پاسده مرکز لر تشکل  
 ایتش وهر مرکزده برر قلم اوطه سی آجیله رق  
 طویلانیلان حوادث قید و تخریر اولونمغه ویالکز  
 جزئی بر بدل مقابلنده - صحفه اعتباریله - آونه لره  
 کوندرلرکه باشلانمشدی که بو اوراقه Gazetin  
 تسمیه اولنوردی .

اصول طبعک اختراعی هنوز پک حال ابتدایده  
 بولنان شو صورتی قولایجه ( در حال تعدیل اید-  
 میوب یوقاریده ذکر ی سبق ایتدیکی وجهله اصول  
 طبعک ایجادندن انجق بر بچی عصر صکره ایلک  
 جراند مطبوعه میدان انشاده وضع اولندی .

[ مابعدی وار ]

نامی

### حظوظات ردینئه

(له تون تولستردن)

اسیرنو و نرنوه

راقی ، شراب ، خشخاش ، آفیون ، و بونلردن  
 ده ا آز منتشر اولان مورفن ، آر و ساره کبی  
 مواد منه و مخدره نک انسانر پیننده کی صرفیات  
 عظیسه سنک سبب حقیقیسی ندر ؟

بو عادتک منشای نه ؟ و نیچون او قدر  
 سرعتله منتشر اولش ، هر سنف خلق پیننده ،  
 مدنیلرده اولدینی کبی وحشیلر آره سننده دخی ،  
 او قدر شدتله محافظه اولمشدر ؟ شراب ، راقی  
 و بیره نک هنوز مجهول اودینی برلرده آفیون ،  
 خشخاش و ساره استعمال اولدینی ؛ توتون ایچمک

عادت سیئه سنک بوتون دنیا یه منتشر اولدینی نه یه  
 عطف و اسناد ایتلی ؟

انسانلرک بو حال سکر و عطالته دالمق ایچون  
 حس ایتدکلی احتیاج نردن کله بیلیر ؟ ایلک راست  
 کلدیککزر آدمه ، ایلک دفعه کندیسنی مشروبات  
 کتوله استعمالنه مجبور ایدن شینک نه اولدینی  
 و بو عادت سیئه نیچون دوام ایتدیکنی صوریکز .  
 سزه : « فسا بر شی دکل هرکس ایچپور » دیه جک  
 و بلکه : « بکا قوت ویرمسی ، اعصابی تبیه ایتسی  
 ایچون ایچپورم » سوزلرینی علاوه ایده جک .

بوندن باشقه مشروبات کتوله استعمالنک  
 کوزل و فنا بر حال اولدینی دوشونمکسزین استعمال  
 ایدن بر چوق آدملر موجوددر . بونلر کویا  
 شرابک صحتنه نافع اولدینی ، وجوده قوت ویردیکنی  
 بهانه ایدرک کندیلرنجه قوتلی بر دلیل ایراد ، تعیر  
 دیکرله بطلانی چوقدن بری معلوم اولان بر فکره  
 استناد ایدرلر .

عینی سؤالی بر توتون ایچنه صوریکز . آکا  
 دخی ایلک دفعه توتون ایچمه سنی موجب اولان شینی ،  
 بو عادت کره ده ثبات و اصرارینک سببی استفسار  
 ایدیکز . ینه عینی جوابی آلا جقسکز : « کدری  
 دفع ایچون . بوندن بشقه بو ، عموماً منتشر بر عادت .  
 هرکس توتون ایچپور . »

آفیون ، خشخاش قوللانان ویاخود کندینه  
 مورفین شیرینغه ایدن اشخاص طرفندن دخی  
 بوکا مشابه ویا پک قریب بر جواب ویریلیر ، افکار  
 مظهری دفع ایتک ، اعصابه چویکک ویرمک  
 ایچون ، نهایت « هرکس یاپیورده انک ایچون . »

خطایه دوچار اوله دن بوکا مشابه بر چوق  
 وسائط ساره در میان اوله بیلیر . مثلاً باش پارمق لری  
 چویرمک ، ایصلیق چالمق ، شرقی میرلدانمق والحاصل  
 نه ثروت طبیعی نک صرفی ، نه ده فعالیت بشریه نک  
 سوء استعمالی موجب اولدقدن باشقه انسانک نه کنندی  
 شخصه ، نه ده دیکر لرینه ضرری اولمان بیکرجه  
 وسائط ساره ایله اکلنمک ممکندر .

بخت ایتدیکنمز شو عادات ، اوجاع و آلامی  
 تسکین ایدیچی بر طبیعته مالک دکلدر . بو کونکی  
 صرفیاته یتیشه جک قدر توتون ، شراب ، خشخاش ،  
 آفیون حاصل ایتک ایچون آج بر قوم آره سنده  
 انک کوزل اراضینک بر ، بر بچق میلیون دونغنی  
 استعمال ایتک لازمدر . بوندن باشقه محصولات مخدره  
 استحصال ایچون میلیونلره افراد بشریه نک (مثلاً  
 انکلترده نفوس موجوده نک تام سکرده بری )  
 افنای وجود ایتله لری ایجاب ایده یور .

هپی بو قدر دکل : بو محصولاتک صرفیاتی  
 انک یوکسک درجه یه بیله اعتراض قبول ایتز صورتده  
 مضردر ، زیرا انک قانلی محاربه لرک واک مدهش  
 و بالرک بیله موجب اولامابه جنی صورتده افراد  
 بشریه نک ضیاعنه بادی بر چوق فئالقلری داعیدره .  
 بو آدملر بو حالی بیلیرلر ، اوقدر ایی بیلیرلرکه  
 بو فنا عادت یالکز دفع کدر ایتک و شلنک ایچون  
 یاخود ساده جه هرکسک یایدینی ایچون اجرا ایتد  
 کلرینی سوبیله دکلی زمان بر دقیقه بیله دلیلرینه  
 امنیت اولنه ماز .

بو حادثه غریبه نک شبهه سز دیکر بر سبی  
 اولمالیدر . اکثریا انسانی حیاتمزه اولادینک سعادت



اچون هر بردار کارنی اختیاره حاضر ابوسنه  
تصادف ایدرزکه راقی شراب، بیرا، خشخاش،  
توتون آلق اچون آج و بدبخت چوجقلرینک  
اعاشه سنه و هیچ اولمازسه آنلرک المبرم احتیاجلرینک  
دفعنه مدار اولاجق برچوق باره لر صرف ایدرلر.  
بدیهدرکه اگر انسان بعض سوانق ویا آرزوی  
مخصوص تأثیریه عز بزعاله سنی هر نوع محرومیتله  
دوچار اتمک ایله مخدرات و منبهات استعمال اتمک  
شقلرندن برنی ترجیح اتمسی لازم کلسه برنجیسنی  
ترجیح ایله جکدر. بوحال یالکیز حظوظات مستانه  
نائیت آرزوسندن ویا خود مشروبات کئولیه استعمالنک  
دنیا نك هر طرفنده منتشر برعادت بولمسندن ایلمی  
کله یوب بوندن ده قوتلی بر سبیدن انشأت ایدر.  
بو اسباب بروجه آتی ترتیب اولنه بیلیر:  
انسان ادوار حیاتیه وجدانیه سنده نفسنده  
یکدیگرندن تامایله آری ایکی موجودیت  
بولندیغنی کشف اتمک اچون بر چوق فرصتله  
دسترس اولور: بری بهیمی، دیگرى منور و متفکر.  
برنجی بر، ایچر، اوپور، برمدت معینه اچون  
قورولش برماکنه کبی ایشلر. موجودیت بهیمییه  
مربوط اولان موجودیت منوره و متفکره بالذات  
حرکت اتمز. موجودیت بهیمی نك حرکاتی تفتیش  
واوحرکاتی تنسب ایدرسه برصورت فعالانده اکا  
معاونت ایدر عکسی تقدیرده ایسه بیطرف قالیر.  
بو موجودیت وجدانیه بی، ایکی اوچلرندن  
بری شمالی، دیگرى جنوبی ارانه ایدن غیر شفاف  
بر جسم ایله مستور اولان بر پوصله نك ایکنه سنه  
تشبیه ایله بیلیرز.

شویله که کینک استقامتی ایل اولدیغنی وقت  
ایکنه غیر مرئی قالیر، یالکیز کبی یوانی شاشیردیغنی  
زمان اهترازه و کورونمکه باشلار.  
بونک کبی موجودیت منکره بولک ویا کتولیک  
تعین ایتدیگنی سوبله کمز وجدان واسطه سیله  
تظاهر ایدر، یولزی شاشیردیغنز زمانه قدر آتی  
کوره میز. لکین وجدانمزه مخالف برحرکتده بولنور  
بولماز ایل ویا فنا بول آرمنده کی درجه عدولی  
تعین ایدرک موجودیت متفکره کندیسنی  
کوستریر. کینک یوانی شاشیردیغنی کوریر کورمز،  
آرزوسیه برتهلکبه دوچار ایلماق اچون پوصله نك  
کوستردیکی استقامته رجوع اتمسی لازم کلدیکی  
کبی انسان دخی وجدانیله حالت بهیمی پیننده کی  
اختلافی کورمک بولری یکدیگرینه ترفیق اتمدن  
بر خط حرکت اتخاذ ایدر. هیچ اولمازسه کندی  
افعال سینه سنی تصیح اتمک، وجدانک شهادتی عمداً  
رد اتمک ایسته مز.  
انسانیت بروجه آتی بکی استقامتی تعقیب  
ایدر، دینله بیلیر:  
یا صادرات وجدانیه مننه اطاعت ایدر، یا  
آنلری رد ایله سوق طبیعینه تبعیت ایلر.  
بعضلری برنجی، بعضلری ایکنجی یولی تعقیب  
ایدرلر.  
برنجی صنفی تقلید اتمک اچون واسطه یکانه  
تایلات اخلاقیه بی بالذات تشریح و معلوماتی ترسید  
ایتمکدر.  
ایکنجی مقصده وصول اچون ایکی واسطه  
واردر. بری داخلی، دیگرى خارجی. برنجی واسطه

وجدان صدالزینک بزه قدر واصل اولمسنی منع  
ایتمک اوزره مشاغل عظیمه ایله اشتغال اتمکدر.  
ایکنجی واسطه ایسه کندیمزده وجدانی اسکات  
ایتمکدن عبارتدر.  
معلومدرکه انسان اوکنده بولان بر شیئی  
ایکی صورتله کورمز. یا نظریتی دهه زیاده جالب  
دقت دیگر اشیا اوزرینه عطف ایدر، یا خود شعاعات  
بصریه سنی او شیئی تامایله کیزله بن غیر شفاف بر  
حائل ایله قطع ایدر.  
بونک کبی انسان دخی بوتون دقتی کرک آلام  
کرک حظوظات اولسون مشاغل مختلفه حصر  
ایدرک اخطارات وجدانیه سنی کندیسنده مستور  
براقه بیلیر. یا خود کندی آرزوسیه نظر دقتی  
قارارته بیلیر. [ مابعدی وار ]  
ح . ع . عینی  
ارنست لوغووه دن کچوک خاطرلر  
حسن خط  
— باباجم؛ نیچون بو قدر فنا یازیورسک؟  
ایشته بو صباح کوچک قیزمک بکا ایلمک  
سؤالی بو ابدی .  
— نصل؟ نیچون بو قدر فناعی یازیورم؟  
بم فنا یازدیغنی سکا کیم سوبله دی؟  
— آنهم، برادرم، همشیره م، دوستلرک ...  
— کافی، کافی ... سوبله باقیم یازمده  
نه قصور بولیورلر؟  
— آنهم بعض حرفلری یازدیغک زمان  
هیچ نقطه قویمادیغنی سوبله یور. موسیو هاری

یازدیغک شیلری بر آز صکره بالذات سنک بیه  
اوقویه مادیغنی ادعا ایدیور. یازیکنز عادتاً هیرو ..  
هیرو ...  
— هیرو و غلیف می؟  
— اوت، هیرو و غلیفه بکزیورمش.  
— یا! بویه سوبلیورلر ها! شمعی کوربرز.  
سن کوزل یازارسک دکلی؟  
— دهه دون مکتبه حسن خطدن بر  
مکافات آلام.  
— بک کوزل شو ماصه نك اوکنده کی  
صندالیه اوطور؛ بر قلم، بر یپراق کاغد آل.  
ها شویله ایشه. بن ده سنک کبی کاغد، قلم آلام.  
شمعی امتحان اوله جفز.  
— حسن خطدن می؟  
— اوت!  
— ای، بن قازانیرسه نه ویره جکسک؟  
— نه ایستر ایسه ک.  
— کوزل بر بسک! یا خود برده لریله برابر  
کوچک بر بشیک ... یا خود ...  
— او قدر مجله اتمه؛ اول امرده مسابقه بی  
قازانده صکره دوشونورسک.  
— او! قازانه جفمند امیم.  
— اوبله می؟ هایدی یازمغه باشلا بلم.  
ایکیزده ماصه اوزرینه اکیلرک کمال دقتله  
درد بش سطر یازی یازمغه باشلادق. بیتدکدن  
صکره قیزمه دیدمکه:  
— شو ایکی کاغدی آل؛ مریبه که کونور.  
بو یازیلردن هانکی سنک دهه کوزل اولدیغنی صوز  
چوجق قوشه رق کیتدی. بر آز صکره



یوزنده علامت تجب اولدینی حالده کلدی .  
 - ای، نه دیدی ؟  
 - مریبهم سنک یازیکی بکندی .  
 بر طور مظفرانه ایله :  
 - شمعی آکلادکمی ؟  
 دیدم .

- فقط باباجم؛ نیچون دایما بونک کبی کوزل یازما بوسرک

- باق قیزم : انسان یالکیز اللریله یازماز .  
 کوزلرک سنک، صحتک، طبیعتک، تفکراتک دخی یازی اوزرینه بیوک بر تأثیری واردر . نیچونمی شو بش سطر یازی بی کوزل یازدم؟ اولاً: انجیق، بش سطر دن عبارتدر .

تایماً بونی کمال دقتله یازدم . سنک یاشنگده ایکن بن شمیدیکندن دها ظریف ، دها کوزل یازاردم . فقط شمیدیکی کبی یا کلسنر یازاما یازدم . نیچون؟ زیرا او وقت فنا یازلمش کلهر ،

اوقونیمان حرفلر، بنم ایچون براملا ویا خود کتابت یا کلسی و الحاصل بیوک بر قصور حکمنده ایدی . مکافات آلمق امیددی . آرقادا شلردن کری قالماق آرزوسی ، مکتبک سرت اداره سی بنم یارمقلمی اداره ایدیور ، بکا کوزل یازدیریودی . لکن ترقی سن ایله کندی یارمقلمه صاحب اولدم! آرتیق بی اجبار ایله به جک ، مجازات ایله جک کیمسه قالمایجه یارمقلمک مهارتسنلکی غلبه ایتمدی . صوکره تیاترو پیسلسری تألیف ایتمک باشلادیغ زمان اللرمه دکل ، عادتا ذهنله یازمغه باشلادم . در خاطر ایدیور میسک ؟ بو ایلك بهارده . . .

- اوت، اوت، یازدیگ تیاتروی بیض ایچون والدهمه ویردیگک زمن قهقهه ایله کولمکه باشلامشدی . زیرا کاغداوزرنه کی شیلر یازی دکل ، برسوری نقطه لر ، اگری بوکری چیز کیلردن عبارت ایدی . فقط کلهر ، هله نه ایلره طوغری ، بوس بوتون اوقونما یوردی .

- بونی یالکیز یارمقلمه ایله دکل ، ذهنم ایله یازمشدم . بو حال بنم ایچون بیعت حکمنه کیرمش . حتی مکتوب یازارکن بیله بویه اولور . لکن او چچی سطرده قلم طیریس کیمکه ، دردنجی و بشچی سطرلرده درت نعله قوشمغه باشلار ، سطر لر بر برینه قاریشیر . . .

- لکن نیچون بوقصورکی تصحیح ایتمیورسک؟  
 - مقتدر دکلم که .

- چالیشک . آئنه ، فنا یازدیغ زمان بکا دایما قزم بوقصور سنکدر . چرنکه چالیشما یورسک ، دیر .

- آرتیق بن چالیشمغه مقتدر دکلم ، بک اختیارم . چابوق و فنا یازمق عادتی بنم ایچون غیر قابل شفا بر مرض حکمنده در . کوزل یازمغه چالیش ' قزم ' کوزل یازمغ . بر قادین ایچون کوزل بر یازی : کوزل بر توات ' سویملی بر چهره ، لطیف بر سس کیدر . کوزل بر یازی دایما صاحبنه توجه قازاندیرر . انسان ' وزل یازلمش مکتوبی اوقورکن یازان حقنده قلباً بر میل ، بر محبت حس ایدر . کوزل یازمغه چالیش ، بکا تقلید ایتمه .

علی رشاد

# حکایت

## انطقای ذکا

[مابعد عدد : ۲۴]

- کچن کون والدهمک احبانتدن بر بیوک خانم اقدی ایله قونشدم . سنک اثرلرکزی کورمش ، بکگیز بویله شیلره اوغراشه جغه قلنده ترقی به چالیشسه دها ابی اولزمی ؟ دیدی . بنسده سنک شمیدی سویلدی بکگیز یولده مدافعه به چالشدم . بیانخی بنله اکلندی . خدمت ایله جکسه ک بیوک بر مأمور اولده او زمان ایت . شهرتی ده ترقی پی ده او یولده قازان . بن امثالک آره سنده محجوب اولیورم . هله کچنده سنکله بحث ایدن بر آدمک یازدینی شیلری اوقودم علیه کزده نلر سویله یور .

بحث بورایه انتقال ایلنجه احسان بک نه یولده مدافعه ایله جکفی شاشیردی . بر قادینی منطقله قاندرمق ، اقع ایتمک تمکنیدر ؟ نه سویلدی ایسه هپ بو یولده جوابلر آلدی . و بوندن صکره بو بحث تکرر ایتمکدن خالی قالمادی احسان بک ایچون یکی بر اضطراب یکی بر عذاب دها پیدا اولدی .

شمیدی به قدر حرمی حاللرندن ممنون ظن ایدر ، عدم ترقیسنندن ، ضیق معیشتندن یالکیز نفسی مضطرب بیلیردی . نالله سنک کندیسنندن زیاده بونلر صیقیلدیغنی اکلاینجه دها زیاده مضطرب اولمغه باشلادی . مطبوعات ایله اوغراشمقدن واز کچمک ، یازدینی کوزل کوزل اثرلری محو ایتمک

الندن کله مزدی . آنجیق مأموریتنده ترقیسی ایچون دها زیاده چالشمق قابل ایدی .

یواش یواش احسان بکده اکلامشدی که : آمرلرک ممنونیتلرینی جلب ایله جک صورتده حرکت ایتمکجه یالکیز چالیشمغه ترقی بک مشکل اوله جق . تفیض ایچون سعی تزیید ایله جکنه برازده بوجهته چالشمق دها زیاده فائده ویره جک . بوکا قرار ویردی . ارتق اولسکی کبی مجالس کبرادن فرار ایتمه جک ، اونلرک اولرینه دوام ایله جک ، ممنونیتلرینی جلبه چالیشه جق فقط سعی وغیرتندن ده واز کچمیه جک ایدی .

انجیق بر مانع وار : احسان بک عشرت ایتمز ذوق و صفا عاللرندن اوقدر متلذذ اولماز . خصوصیه اوله مجلسلرده تحف تحف سوز سویلک ، نظر دقتی جلب ایتمک الندن کلزدی . دایما جدیات ایله اوغراشدیغندن بر بحث حقنده مکمل صورتده بیان فکر و مطالعه ایله بیلیر ایسه ده شوندن بوندن سوز آچه رق مخاطبنی اکلندر مکی ییئزدی . ادبیات ایله اشتغالی وار ایدی . مکتبنده ادبیاتدن تام غمرو آلمشدی . حتی بک کوزل شعرلرده سویله بیلوردی . فقط اشعاری ده جدی ایدی . کندی آمرلری اولان بر قاج ذات ایسه مألوف عشرت و سفاهت اولدقلرندن جدیاندن بک حظ ایتمزلردی . کیده جکی مجالسده عجا او جدیتله برابر مظهر حسن قبول اوله جقمی ؟ نه ایسه بر کره تجربه ایله جکدی .

\* \*

احسان بک بر دعوتده بولینیوردی .

مکلف صورتده تزیین ابدلش برصالون . . .



اورتهده بر سفره عشرت بولنیور... برچوق  
ذوات علی مراتبهم قیه لک صندالیه لک اوزرنده  
موقع طومشکر. ساعت اون بری براز کچور. هر  
کس زمان کراحتک یعنی وقت عشرتک حلوانه  
منتظر آساکت طور بیور احسان بکده بر کوشده  
هنوز کلیاً عجیبی اولدینی بو عالم سفاهته حیرتله  
نکران اولور. خلقک سکوتنه مجلسک سکوتنه  
باقدقچه عالم عشرتک فنالی حقنه اونه دبری  
ایشیتدیکی مبالغه لی سوزلری ذهننده محاکمه ایله  
اوغراشیور.

نهایت وقت کراحت کلدی. اوک صاحبی اولان  
ذات سفره نك باشنه کجدی - افندم نه زمانه قدر  
بکلیه جکر بیور مز میسکر سفره اقبال کزله تشره  
مهیا بولنیور - بوللو بر مقدمه ایله بر قدح طولدیردی.  
صدر نشین وقار اولان آق صقاللی بر ذاته تقدیم  
ایتدی تشکر لره قبول اولندی. متعاقباً مزه طباعی  
تقدیم ایلدی اوده مظهر شرف قبول اولدی آرتق  
سکوتک طلسمی بوزولدی. هر کس برر کره سفره بی  
زیارت ایتدی چوق کچمدهن بو زیارت برایکی دفعه  
تکرار اولندی. کیتدیجه قدحله امواج صفا کبی  
پیایی اولغه. ذهنله قز شمه باشلادی.

احسان بک بولندیغی کوشه تماشادن آرما -  
مشدی کیسه نك کوزینه تصادف ایتدیکی چون ایچمه  
برجهتدن ابرامده کور مامشدر. بر آرهلق او  
صاحبی بونک حالنه دقت ایدرک یانه صوقلدی -  
بک افندی سنر عشرته اقبال بیور میورسکر -  
دیدی آره لرنده شو محاوره جریان ایتدی :  
- خیر افندم بنده کز قوللانم شمیدی به قدر  
ایچمدم .

- دیمک بزم حالمز ی سیر ایده جکسکر .  
- سیر اولنه جق بر حال کوره میورم افندم  
بوندن کوزل بر مجلس صحبت اوله بیلیرمی ؟

او صاحبی صاووشدی. فقط نمون اولدینی  
حالندن آکلاشیلدیوردی .

قدحله تعاقب ایتدیجه ذهنله موازنه سی ،  
مجلس اداب ولطافتی غائب یدینیوردی .

آره دن بر آز وقت ده ایچمه بر آز اول کمال  
ادبله او طور مقدمه اولاندردن بر طاقی کویا اولکی  
آدم دکلش کبی هر درلو قیودی بر طرف ایدرک  
شرقیلر سویلکه آهله او فله ایتمکه باشلادی .

بو ائنده بریسی احسان بکه مسلط اولدی .  
بر قدح ایچیرمک ایچون اجبار ایدینیوردی . بک  
صورت مناسبه دفعه چالندیسده موفق اوله -  
مدی نهایت - آمان افندم ! بونه قدر اصرار !  
بن بورایه اخلاقی اعتیادی دکشیدیرمک ایچون  
کلام - دیه جک اولدی .

بری - اوت ! بک برایه سرخوشلری  
سیر ایدوب اکلتک ایچون کلش. کندیلیری  
اکندیرمک وظیفه سی اونیورسکرده تعجیز  
ایدیورسکر - سوزیله اسهزایه باشلادی .

احسان بک مقابله ایتدن. فقط کلدیکنه بیک  
کره پشیمان اوله رق شو مضق بلادن قورتلغه بر  
چاره آرییوردی .

اوصرمده او صاحبی قیودن احسان بکی  
چاغیردی. کیدنجه قولندن طوتدی طیشاری به  
آلدی - بک افندی راحسن اولدی کز؛ صیقلد -  
یفکزی کوردمده راحسنر اتمکه جسارت آلم.

ارزو بیور رسه کز شو او طه تنهار بر آز استراحت  
بیوریکز - دیدی .

احسان بک بوتکلیفی بر نعمت غیر مترقبه بیلرک  
تشکر ایتدکن صکره او طیه کیردی و بر آرهلق  
هر کسک مشغولیتندن استفاده ایله کیسه به کوزو -

نمکسزین او طه دن طیشاری به چیقدی . مردیون  
باشنده تصادف ایتدیکی براغایه او صاحبی بک افندی به  
سویلک اوزره بر اعتذار مناسب تودیع ایتدکن  
صکره قوناقدن چیقدی کندی اوینه کلدی . ایشته  
احسان بکک برنجی دفعه اجابت ایتدیکی دعوت  
کندیسچون شو مختصراً تعریف ایتدی کمز بولده  
بر مضیق ایلشدی .

بوندن صکره بر ایکی تجربه ده ایتدیسده  
هپسنده همان عینی نتیجه بی بولدی . ارتق نظرنده  
قطعاً تحقق ایتدیکه بو بولده کندیسچون موقیت  
قابل دکلدر بویه طلملرده بولنق ایچون یارادلامشدر  
شو حالده چاره سنر حکم قدره تبعیثله وظیفه سینه  
چالیشقدن بشقه یاپه جق برشی یوقدر .

- ۵ -

احسان بکی مضطرب ایدن یالکز ضیق  
معیشندن عبارت دکلدی والده سیهل حرمی آره سنده  
حکم فرما اولان ضدیتهده بیچاره بی زهر لکده  
ایدی .

والده سی بلای معیشت ایچنده زار وزبون  
اولان اوغلنک حالی، کوندن کونه ضعیفلکده  
اولدیغنی کوردکجه کندیسده بر طرفده بلای دیگر  
اولماق اوزره خرچنقلقینی تعذیباتی بر اهرق  
کلینی ایله ای کچنمکه چالیشور، فقط کلین خانم

بر کره قائم والده سندن نفرت ایتش نه قدر حسن  
معامله کورسه اسکی حاللری دوشونهرک حسن  
مقابله کورسترمکه موفق اوله ماز . والده خانم ایسه  
هر حالده بر قادیندر بر چالیشیر ایکی چالیشیر نهایت  
اوده غلبان ایدیور بر اره لرنده بیوک بر طارغنلق  
باش کورستر بونک اک بیوک صدمه سته اوغرایان  
احسان بک اولور ایدی .

بیچاره آدم نه والده سینه نه حرمه سوز  
اکلاته بیلدیوردی . بونک اک مؤثر چاره سی  
ایکیسینی آیرمق ایدی؛ فقط بر اوی اداره دن  
عاجز اولان احسان بک ایکی اوی نصل ونه ایله  
اداره ایده بیله جکدی؟ حرمی فوق العاده سوز  
والده سنده نهایت درجهده حرمت ایدردی . هیچ  
بریسی سفالت ایچنده بر ائغه راضی اوله مزدی .

کورلتیلر، بواضطرابلر بواندیشلر احسان  
بکی کوندن کونه بتیور، فکر نده کی پارلاق،  
وجودنده کی چویکلک، قلبنده کی حساسلق، کوندن  
کونه ازالیوردی. وقت اولوردی که ایکی اوچ سطر -  
لق بر تذکره بی ایکی اوچ کره بازار بوزارده سینه  
افاده سی رکا کندن، غلط اتدن قور تاره مزدی.  
قلده یازدیغی مسوده لر اکثراً - کندیسنک دانما  
مؤاخذه ایتدیکی، اکندیکی - برچوق خطالره  
مالی بولنوردی .

آسر لرینجه احسان بکک مسوده لری فوق العاده  
دقله اوقنوردی و کندینه بک از ایش وریلیردی.  
نهایت بر حاله کادی که قله کیدوب کله سی یالکز  
اوطه ده کندینه مخصوص اولان صندالیهده اوطور -  
مق، سیفاره ایچمک، آی باشی کانه معاشنی المقدن



عبارت قالدی . مکتبیدن چیقدینی کون پارلاق بر کونشک ضیاسیه منور ، فیض آور بر بهسارک ازهاربله مزین کوردیکی استقبالی شمعی نظرندمه مظلم کچهلردن قراکلق ، مدهش اوچوروملردن قورقونج بروحشت آباد یأس و نفرت اولمشدی . چهره سنده کی آثار بشاشت محو اولمش یرینی یأس و کدره ، اضطراب و اندیشه به دلالت ایده جک چیزکیلر ، بود و شقلقلر قابلامشدی . یوزینی کورنلر اللی یاشنده بر اختیار ظن ایدرلردی .

حتی برکون بر اختیار — بن التمش یاشنده بم، ظن ایدرم سزده قرق طقوز اللی یاشنده وارسکر — دیمشدی .

حریمی اکثر کچهلر اغلار سببینی صورددجه بدبختلغنی سویلردی .

بو قدر بلا یا ایله محاط اولان احسان بک زویه قاجسون، کیمه التجا ایتسون؟

بر بحر بی پایان اوزته سنده قالمش ، اللری ایاقلری طومش یورومکدن کسلش ، ینه متصل چرینور ؛ اطرافه باقیور بر ساحل سلامت یوق دگزدن سمدن بشقه برشی کورونمیور . ایشته بو حالده بولنان زواللی بدبخت کندی صالیورمکدن ، باتوب محو اولغنه ترک ایتمکدن بشقه یاهجق برشی بوله مدی .

عشرت تخفیف آلام ایدرمش !... بر آر - قداشنک تشویقیله آکا باشلادی . سرعت فوق العاده ایله قطع مراتب ایتدی . اولجه نفرت ایتدیکی ، بر مجلسده بولغنه بیله تحمل ایدممدیکی عیاشلردن زیاده عیاش اولدی .

عشرت تخفیف آلام ایدرمش ! نه فکر واهی !  
عشرت حیاتک دشمنی فکرک مخربی ، انسانک قاتلی ، اخلاقک زهر هلاملیدر . زینتلی بیلانلره بکزر . پارلاق رنگنه آلدانوبده بر کره ال اوزاندیکی درحال صوقار . صاچدینی زهر یواش یواش وجودک هر نقطه سینه یایلغ باشلار . هر آیدمه مزاره بر آیدیم دها تقرب ایدرک کوله رک اکلنرک سوبینه سوبینه اولومک آهوشنه قوشارسکده خبرک اولماز .

عشرت تخفیف آلام ایدرمش !

نه فکر واهی ! ! !

عشرت ، مبتلاسنک فکرندمه کی شینین بیولتمکدن بشقه بر شینه یارامز . بر کدرک بر اضطرابک بر اندیشه کی وار ؟ عشرته ال وزاتمه ، که غمک کدرک تحمل ایدمه جکک درجه ده بیور . فضله اوله رق استقبالی ایچونده بیکه هر دحده بیک بر منت بیک بر فلاکت حاضرلیر .

بعض عیاشلرک «عشرت آب حیاتدر ایچنک عمری آرتار» دیدکارینه می آلدانیرسک؟ بماتده حیات آرایان او بیچاره لرک بر کره محنتلرینه دقت ایت ، که طلوم کبی شیشمش وجودلری ، بنجار کبی قیزارمش چهره لری ، بطلیجان کبی بورارمش برونلری ، بوزولمش کوروک کبی کولریله کندی ادعالرینی کندیلری جرح و ابطال ایدلر .

بعض بی شعورلرک «انسن دنیا به یالکز چالیشیق منت چکمک ایچونمی گلشدر» البته دکل ... او یله اولسه ایدی راحت ، سعادت سوزلرینه لسانده نه لزوم کوریلوردی ... ادامکه ذوق ایتمکده

لازمدر مادام که عشرت و سائط ذوقک اک مؤثرلرنددر انسان کندی بویه بر منبع صفادن نیچون محروم ایتیلیدر ، یولنده قوردقلری دولاب سفسطه به می قاپیلیر سین ؟

دوشون که انسان بو محنتسرای فایه محاط اولدینی امواج محن و ضلالتدن اوغراشه اوغراشه قورتیلهرق ساحل سلامت ایشتمک مقصدیله چالیشیق ایچون کلامشسه عمر عزیزین سفاهت و رذالت مجلسلرنده افنا ایتک ایچون هیچ کلامشدر . سعادت سعیک تیجه سی ، راحت ایسه سعادتک حسن استمالیدر . حتی دوشون که ذوق و سفاهت بیله سعی و غیرت سایه سنده فقط انک ارنی محو ایتک صورتیله حاصل اولور . سفاهتدن حاصل اوله جق شی ایسه کریه ندامتدر . احسان بکک حالندن بحث ایدرکن نصیحت پردازلغه باشلادم تیجه ایتدم معلومی اعلام قیلندن اولان شو سوزلر بلا اختیار قلندن صادر اولیور دیککی جهته معذور کوریلیرم امیدنم .

ایشته صده کلیورم :

احسان بک ایلك قدحی ایچرکن ایکنندی ، معدسه سی بولاندی ، باشی دوندی . ایکیجه قدحده براز خفیف اولق اوزره ینه عینی تیجه لری کوردی . فقط او چنجی قدح هر شیشی بئیردی . ذهننده برکشایش وجودنده بر راحت . قلبنده بر آسودکی حس ایتدی . چالنان سازک هر نغمه دلسووزی کندینه هیچ حس ایتدیکی برنشته ، بر ذوق القا ایلدی . دها بزنجی بزم عشرتمده شمعی به قدر بو منبع صفادن نیچون استفاده ایتامش اولدیغنه تأسفلر ایتمکه باشلادی . بو یولده ابتدا ایدن ابتلا ایسه فائض مرکب حسابیله تزاید

ایتدی . بر حالده که آز بر زمان صکره احسان بکک اوینه سرخوش کلدیکی کون کورلمز اولدی .  
عشرت یالکز وجودی بئیرمز . ترونی .  
اداره بی ، عالمه بی ده محو ایدر .

هر آی آلدینی جزئی معاشک بر قسمی ده میخانه جیلره تخصیص ایدلر بکندن ذاتاً مضایقه حالنده بولنان احسان بکک عالمه سی مضایقه نک سفالت درجه سی ایچنده بولغنه باشلادی . کون اولوردی که بیه جک اتمک ، یاقه جق کهور بولنمز ، فقط شیشه لرله راقی بولنوردی . اغلابه رق بو حالندن شکلیت ایدن والده سته ، حرمنه قارشلی احسان بکک بارد بر معامله ایله ویردیکی جواب لاقیدانه کورولسه ، ایشیدلر سه تیج ایدلر اتمک قابل اولمزدی . آرتق زواللی چو جق بسبتون دکشمشدی . اولکی صفوت اخلاق ، حیادت فکر ، حدت ذکا کاملاً محو اولمش ، کوزلرینه سرخوشلغه مخصوص اولان بر سونوکک ، حالته ، طورینه عالم خراباتک ویردیکی بر بطاات ، بر عطالت کلشدی .

یا بیچاره حریمی ، زواللی والده سی ... اونلر طانمیه جق بر حاله کیرمشلر ایدی . چهره لری صرارمش ، یوزلری کچر دکلری سفالتلی کونلرک ، مدهش اضطرابلرک . آچلغک تأثیریه بوروشمش ، بری قرق یاشنده ایکن بتمش یاشنه ، دیکری بکرمی سینه ایچق یاشامشکن الیسنه کیرمش کبی کورینورلردی . احسان بک ایسه بو حاللردن هیچ تأثر ایتمیرک یولنه دوام ایدیلوردی .

آرتق قلمجه ترقی امیدلری محو اولمش ، احسان بک التي یوز غروش معاشله مزاره دفن



ایدیش ایدی. زیرا نه دوام ایدیور نه ده دوام ایتدیکی مدیحه کندندن استفاده ایدیلیوردی. مکتبه بو نجه زحمتله تحصیل ایتدیکی معلومات ایسه بردها عودت ایتامک اوزره کندینه وداع ایتشدی. بر کره عالم عشرته بر بیت سویلک ایتدی. بر ساعت قدر اوغراشدی وقتيله بر ساعتده منخب بش اون بیت سویلکه مقتدر اولان احسان بک فنا اولسون بریت، بر مصراع بیله سویلکه مقتدر اوله مدی. شو حالده اسکی احسان بک اولمش کیتشدی. میدانده بولنان سرخوش ایسه مرحومک نامی تلویث ایتمک ایچون کندی شکله کیرمش بر شیطاندن بشقه برشی دکلدی.

زواللی چوجق ظن ایدیوردی که کندنجبه صفالی بیلدیکی شو عالم دوام ایدر کیدر... هیهات!... بر زمان کجدی حرمک ضعفی نهایت درجهیی بولدی. او مدهش اوکسورکار بوغازینی طیقامه، کوزلرینک فری، حیاتک او ایکی شعله سی سوئمکه باشلادی.

حکیملر حرمکیز تورم ایتمش وایکنجی درجهیی بولمشدر دیدکاری زمان احسان بک — یا اویله می؟ سوزندن بشقه هیچ بر اثر تأثر اظهار ایده مدی. تأثر... اویله حسیات عالیهنک بویله بر سرخوش قلبنده نه ایشی وار!

ایکی آی صکره حرمی، او وقتيله حیاتندن زیاده سودیکی رفیقه سی قره طوپراغک اغوش تنه ایسنه بر اقرق عودت ایدن احسان بک — قدرده بوده وار ایش! دنیانک شو محتلری ده عشرت اولسه چکیلیر شیلردنمیدر؟ دیور وینه طوغری میخانه به کیدیوردی.

والده سی ایسه بو فلاکتده بو سفالنده آنجق

آلتی آی قدر دها دایانه بیدی. بک بر کون میخا. نه دن اوه عودت ایتدیکی زمان که کجه ساعت آلتی ایدی، اون کوندیری اولوم حالده. خسته بولنان والده سی بر دها اچماقی وزره کوزلرینی قیامش بولدی.

ایشته احسان بک بو صورتله دنیاده هرشیدن محروم یالکز بر وجود قالمیدی. نه محبتله بختیار اوله جفی بر رفیقه سی، نه اغوشنه التجا ایده جکی بر والده سی وار ایدی. بر ایکی وجود معززک حقیقته قاتلی کندیسندن بشقه بر کیمسه دکلدی. والده سنک سفالت دوکنه سرلمش جنازه سیله برابر بولدیغی او کجه احسان بکک دهشتله سرخوشلی زائل اوله رق ایجه آغلامش، ایجه اثر ندامت کوسترمشسه ده بو سال دوام ایده مدی. موفت اولان تأثر ندامت اائل اولدقدن صکره عالم سفاهتک جاذبه سی ینه آندی بر کرداب فلاکتده طوغری سوروکلیوب کوزردی.

ذاتاً دوچار اولدیغی بس وقتور کندینی ایشه یارامیه جق بر حاله کتیرمنکن برده بو فلاکتلرک تأیری بسبتون معطل بر حاه کلسنه سبب اولدیغندن عفو اولسنه میدان بر اقامق اوزره کندی کندینه مأموریتندن استعفا ایدی.

بر زمان بعض کتابچیره؛ مطبعه لره **مصححک** ایتدکن صکره او وظیفه یوده ایفادن عاجز قالدی. بوزمانلرده نه ایله وزده یشادینی معلوم دکلدی. آرتق احسان بکک اسمنی اک عزز احبامی ده اونوتدی. شمدی ایسه بیچاره بدبختک یادکار حیاتی اوله رق قره جه احمد قبرستانک بر تنها گوشه سنده قیرلمش بر طاشدن بشقه بر شی قلامشدر.

صاحب امتیاز: **تایچی قره بت**